

ДОТООДЫН

ЗАХ ЗЭЭЛИЙН ДОЛОО
ХОНОГИЙН ТОЙМ



2025.11.17

Дотоодын зах зээлийн онцлох мэдээ

ТОВЧ

- Валютын хадгаламж 5.5 их наяд төгрөгт хүрчээ.
- QPAY хувьцааны ханш тогтвортой байдлаа хадгалсаар байна.
- Хувьцаат компаниуд жил бүрийн 4-р сард ногдол ашгаа тараадаг байх журамд нэмэлт өөрчлөлт оруулахаар СЗХ ажиллаж байна.

МХБ-ийн индексийн өгөөж

Индекс	Долоо хоног	Сар	Жил
ТОП 20	4.87%	0.92%	25.47%
MSE A	1.92%	-0.01%	20.27%
MSE B	2.18%	-0.97%	34.89%

2025/11/10 – 2025/11/14

Идэвхтэй арилжаалагдсан үнэт цаас

Симбол	Тоо ширхэг
QPAY	8,555,931,863.32
INV	2,999,144,665.00
CUMN	717,103,983.67
KHAN	525,080,374.00
GLMT	308,251,982.00

2025/11/10 – 2025/11/14

Өндөр өсөлттэй үнэт цаас

Симбол	Хаалтын ханш	Өсөлт %
CUMN	319.93	38.44%
BODI	94.99	18.31%
NEH	23.67	16.77%
TUS	184.00	15.00%
EER	219,300.00	15.00%

2025/11/10 – 2025/11/14

2025 он 11-р сарын 17

Зах зээлийн
үнэлгээ тэрбум ₮

13,268

ТОП-20 индекс

51,516

MSE A

19,453

MSE B

14,581



МАКРО ЭДИЙН ЗАСГИЙН ҮЗҮҮЛЭЛТҮҮД

ДНБ өсөлт

5.6%

2025 - III улирал

Инфляц

9.0%

2025-09 сар

ГВУН(сая\$)

5,911.03

2025-10 сар

Бодлогын
хүү

12.0%

ЗГ-ын бондын
өгөөж

6.6%

USD/MNT

3,572.49

2025-11-16

Эдийн засгийн мэдээлэл

ХАДГАЛАМЖИЙН ХЭМЖЭЭ НЭМЭГДЭЖ БАЙГАА Ч ВАЛЮТЫН ХАНШИЙН ДАРАМТ ХЭВЭЭР

Монгол Улсын мөнгөний нийлүүлэлт (M2) 2025 оны 10-р сарын эцэст 45 их наяд төгрөгт хүрч, өмнөх оны мөн үеэс 2.9 их наяд төгрөгөөр буюу 7%-иар өсжээ. Энэхүү өсөлтөд төгрөгийн хадгаламж 15.4%-иар нэмэгдсэн нь голлон нөлөөлсөн байна.

Төлбөрийн системд эргэлдэх мөнгө, хадгаламжийн хэмжээ ийнхүү нэмэгдэж буй нь эдийн засгийн идэвх сэргэж, иргэдийн хадгаламжийн хандлага илүү төгрөгийн хэлбэрт төвлөрч буйг харуулж байна.

2025 оны 10-р сарын байдлаар төгрөгийн нийт хадгаламж 23.9 их наяд төгрөгт хүрч, жилийн дүнгээр 3.2 их наяд төгрөгөөр өссөн бол өмнөх сараас 460.5 тэрбум төгрөгөөр 2% нэмэгджээ.

Хадгаламжийн бүтцийг харвал:

Иргэдийн хадгаламж – 20.6 их наяд төгрөг буюу нийт хадгаламжийн 86.1%

Аж ахуйн нэгжийн хадгаламж – 3.3 их наяд төгрөг буюу 13.9% байна.

Үзүүлэлт	Жил			Сар			2025* Х 2024 Х	
	2022	2023	2024	2023 Х	2024 Х	2025* Х	зөрүү	хувь
	их наяд төгрөг							
Мөнгө M2	29.7	37.6	43.3	33.7	42.1	45.0	2.9	7.0
Мөнгө M1	7.2	9.9	11.7	8.3	11.0	11.0	0.01	0.1
Төгрөгийн харилцах	6.4	8.9	10.7	7.4	10.1	10.0	-0.02	- 0.2
Хадгаламжийн байгууллагаас гадуурх мөнгө	0.8	0.9	1.0	0.8	0.9	1.0	0.03	3.2
Бараг мөнгө	22.5	27.8	31.6	25.4	31.1	34.0	2.9	9.4
Төгрөгийн хадгаламж	12.6	17.1	22.0	15.4	20.7	23.9	3.2	15.4
Валютын хадгаламж	4.9	5.0	4.9	4.9	4.5	5.5	1.0	22.9
Валютын харилцах	4.9	5.6	4.7	5.2	5.9	4.6	- 1.3	- 21.7
Гүйлгээнд гаргасан бэлэн мөнгө	1.1	1.2	1.2	1.1	1.2	1.2	0.01	0.6

Эх сурвалж: Үндэсний статистикийн хороо

ВАЛЮТЫН ХАДГАЛАМЖИЙН ӨСӨЛТ ВАЛЮТЫН ХАНШИД 2 ТАЛЫН НӨЛӨӨТЭЙ

Эерэг тал:

Гадаад валютын нөөцийг арилжааны банкуудын түвшинд нэмэгдүүлж, гадаад төлбөрийн чадварт дэмжлэг үзүүлдэг.

Валютын гүйлгээний хангамжийг сайжруулж, санхүүгийн тогтвортой байдлыг хадгална.

Сөрөг тал:

Иргэдийн валютын хуримтлал нэмэгдэх нь төгрөгөөс доллар руу хөрөнгө шилжих хандлага хүчтэй байгааг харуулж, валютын ханшид өсөлтийн дарамт үзүүлдэг.

Хэрэв эдийн засгийн тодорхой бус байдал, импортын дарамт зэрэг хүчин зүйл үргэлжилбэл ам.долларын ханш дахин өсөх эрсдэлтэй.

 **Зах зээлийн мэдээлэл****ИННОВЭЙШН ИНВЕСТМЕНТ ХК-ИЙН 8.3 ТЭРБУМ ТӨГРӨГИЙН БАГЦЫН АРИЛЖАА ХИЙГДЛЭЭ**

График 1. QPAY хувьцааны ханшийн график



QPAY хувьцааны ханш өнгөрсөн долоо хоногт 3 гаруй хувиар өсөж, 9-р сараас хойш 15 орчим хувиар өсөөд байна. Цаашдаа ханшийн зорилтот түвшинг 260₮ гэж таамаглаж байгаа бөгөөд үнэлгээний үзүүлэлт хамгийн бага хувьцаануудын нэг хэвээр байна. Мөн өнгөрсөн долоо хоногт 8.5 тэрбум төгрөгийн багцийн арилжаа хийгдэж, нийтдээ 9.05 тэрбум төгрөгтэй тэнцэх хэмжээний арилжаа хийгдлээ.

ХУВЬЦААТ КОМПАНИУД НОГДОЛ АШГАА ЖИЛ БҮРИЙН 4 САРД БАГТААН ОЛГОЖ МАГАДГҮЙ


2024 оны санхүүгийн дүнгээр Монголын хөрөнгийн биржид бүртгэлтэй 46 хувьцаат компани нийт 1.2 их наяд төгрөгийн ногдол ашиг хуваарилахаар шийдвэрлэж, энэ нь түүхэндээ хамгийн өндөр дүнтэй ногдол ашиг байв. Гэвч эдгээр компаниуд ногдол ашгаа 2025 онд багтаан эсвэл жилийн турш дамнуулан олгохоор харилцан адилгүй хугацаа тогтоосон нь хөрөнгө оруулагчдын хувьд тодорхой бус байдал үүсгэж, зах зээлд хүлээлт үүсгэсэн.

Үүнтэй холбоотойгоор Санхүүгийн зохицуулах хороо (СЗХ) ногдол ашгийн олголтын хугацааг нэг стандартад оруулах зорилгоор өөрийн холбогдох журманд нэмэлт, өөрчлөлт оруулахаар ажиллаж байна.

- Хувьцаат компаниуд жилийн ногдол ашгийн шийдвэрээ тухайн оны 2 дугаар сарын 20-ны дотор гаргах,
- Мөн нэгэнт баталсан ногдол ашгаа тухайн жилийн 4 дүгээр сар хүртэл олгох үүрэгтэй болох юм.

ДОТООДЫН ХУВЬЦААНД ХЭЗЭЭ ХӨРӨНГӨ ОРУУЛАХ ВЭ?

ТОП-20 индексийн сарын дундаж хэлбэлзэл (2015-2025)



Монголын ТОП-20 индексийн дундаж хэлбэлзлээс харахад 1-3 сар, 7-9 сар, 12 саруудад өсөлт давамгайлдаг байна.

Ямар стратеги баримтлах вэ?

- Ногдол ашиг хүртэхийг зорьж буй бол 1-3 сард хувьцаа худалдаж авах нь тохиромжтой.
- Хямд үнээр хувьцаа авах боломж хайж байгаа бол 4-5 сард зах зээлийн уналтыг ашиглах хэрэгтэй.
- 7-9 сард зах зээл өсөх магадлалтай тул эрт худалдан авч, өсөлтийг ашиглах боломжтой.
- Жилийн эцэст (12-р сар) дунд хугацааны өсөлт ажиглагдах хандлагатай тул урт хугацааны хөрөнгө оруулалтад тохиромжтой үе.

ВАЛЮТЫН ХАНШИЙН ТӨЛӨВ БАЙДАЛ

Хэрэв нүүрсний үнэ 10%-иар буурч экспортын орлого 800 сая ам.доллараар багасна гэж үзвэл: 2026 онд инфляц 0.7 нэгж хувиар нэмэгдэхтэй уялдан төгрөгийн ханш ам.долларын эсрэг 3-5% орчим сулрах магадлалтай.

График 1. Төгрөгийн ам.доллартай харьцах ханш

